

續修四庫全書

卷之五
五言古詩
五言律詩
五言絕句
五言排律
五言長句
五言歌行
五言雜詩
五言雜體
五言雜賦
五言雜文
五言雜記
五言雜序
五言雜論
五言雜說
五言雜議
五言雜疏
五言雜表
五言雜啓
五言雜牋
五言雜箋
五言雜啓
五言雜牋
五言雜箋

《續修四庫全書》編纂委員會編

續修四庫全書

上海古籍出版社

一四八二・集部・別集類

連雲書屋存稿六卷〔清〕焦和生撰……………一

大雲山房文稟十一卷〔清〕憚敬撰……………五五

邃雅堂集十卷〔清〕姚文田撰……………三五九

邃雅堂文集續編一卷〔清〕姚文田撰……………五八五

琴齋先生觀察漢黃

清版

幸爲屬下吏已載餘矣每晉

謁問於諮諏政事外相與縱談詩古文詞並示以連雲
書屋詩稿命爲校勘之吟賞餘覺大篇決流短章斂芒
縛而不釀縮而不僭自非精法律富吟哦者安能臻此
粹詣蓋先生平昔愛誦大蘇詩集及典試蜀中縮符海
外又親歷大蘇之枌榆與其宦跡邇來勾稽偶暇每遊
定惠之院臨臯之亭赤壁西山寒溪諸勝輒流連咏嘆
俯仰遺址而慨慕其爲人讀自號懷坡山人一篇知先
生瓣香所祝固自有在獨是文忠公在黃州則以團練
副使屏於寬閒寂寞及在瓊州亦因屢見左遷而以別
怨安置昌化故其詩之見諸營東坡築雪堂與夫負瓢
行歌於僮耳間者往往鬱勃淋漓激昂慷慨而先生當
重熙累洽之時得以自展其功名勲業凡所抽秘騁
妍自無不可以見性情之閒適辭氣之安恬殆其遭際
之隆有與文忠迥異者昔文忠公嘗謂出處老少麤似
樂天而其爲詩則一空依傍獨自成家先生之寄懷於
坡老者毋乃類是而況集中平黎諸作歷叙夫勦撫蕞
施公勤匪懈肫摯之氣溢於言表今後之守瓊者可以

因其詩考其事而得其所以安輯之由則又如元道州
之春陵行豈僅得以詞章論耶請還質之先生當亦不
以予言爲阿諛也嘉慶乙亥孟冬月錢清履敬跋

據遼寧省圖書館藏清嘉慶
二十年刻本影印原書版框高
一八一毫米寬二六〇毫米

連雲書屋存稿

〔清〕焦和生撰

自序

詩以道性情。無性情則詩可不作。作亦不必存。然則人之有詩。其必有不能已者乎。余少年未嘗學詩。通籍後奉職京華。與同年諸君子。公餘之暇。砥礪德業。時相贈答。始學爲韻語。然多未成片段。隨手置之而不存。嗣銜命典試蜀中。守瓊南。見其山川之奇秀。風土之僻異。觸類興懷。緣情賦事。頗有動於中。而不能自已者。於是直抒胃臆。吟詠成帙。茲遊楚四載。於南北二省。流覽大半。山則歷衡岳。參廬。水則觀湘潯。江漢。登臨之餘。亦間有紀述。以發心性之蘊。閱歷之奇。合前後十數年所吟嘯。將及千餘篇。同人之愛我者。殷殷勸付諸梓。予心歉然。而不敢藏拙。乃諄囑好友。竹西錢君。爲之刪其繁冗。而不經意者。僅存若干首。名之曰連雲書屋存稿。連雲者。從故里海島名也。詞之工拙。不敢計。聊以志平生嗜。師之癖性云爾。嘉慶二十年秋八月。琴齋居士和生自識。

連雲書屋存稿卷一

蓋州 焦和生 琴齋

聞秋聲有感 時奉書任居派詳校文源閣

砧杵聲高動碧空。客懷終夜伴鳴蟲。一天浙瀝清秋雨。半枕蕭騷落葉風。夢裏家鄉何日到。篋中書信隔年通。村醪無力澆愁去。報說霜前到塞鴻。

村舍

結廬背郭自堅牢。幾處疎籬鎖寂寥。野圃日斜花影亂。秋林風定鳥聲嬌。一峯當戶新螺黛。萬柳圍隄舊舞腰。昨夜沙頭知雨過。溪流初漲水平橋。

次浩持道中卽景韻

故人歸去重行行。一路風光愜旅情。四野綠雲秋稼好。半林黃葉晚涼生。鵬盤孤嶼翎方健。馬惜障泥雨乍晴。可憶平湖烟靄裏。清吟人對數鷗輕。

將發一畝園次伊雲林韻

西園兩月愛盤旋。消盡塵寰溽暑天。此去青山和夢老。幾回皓魄向人圓。醉來豪興思揮筆。雨後新寒欲試棉。學步羣公愧枵腹。空教祖述著先鞭。時又有校三分書之命

校書事竣歸都城

坐對湖山夏復秋一朝分別轉勾留
琢成佳句盈囊富
添得歸鞍滿眼愁
小飲每邀林上月閒行常狎水中鷗
風光何日重來覓處處筇枝記舊遊

道中回望一畝園

驅車重去踏紅塵回首幽居悵望頻
天外秋山如送客
雲間流水忽迷津
疎林不改來時路黃葉全非往日春
莫對西風空佇立斜陽滿地正愁人

過村舍書所見

籬根詰屈逐岩斜茅屋寥寥三兩家
過雨新禾時偃仰
經秋老木剩杈枒
烟藏犢背兒橫笛桑隱雛鬟女績麻
應識豐年耕織樂野人無意學栽花
飛飛白鷺下寒塘
秋草淒淒護短牆
山徑雲深松蔭碧
柴門風冷菜花香
老農築圃初勤力少婦村居絕艷粧
會得田家好風味紅塵應笑道途忙

歸來

歸來羸馬脫征鞍對客開懷傍藥闌
却憶前宵望湖月
正吟好句伴秋寒
魚鰕味美臨波買菱藕香清帶露看

今日齏鹽慙舊味
室人猶自勸加餐

和閻玉維同年客夜感懷元韻

幾處砧聲夜未休
可堪孤客尙淹留
笛橫明月雁橫塞
葉滿空階風滿樓
小阮文章工寫恨
玉維乃浩子山詞
賦慣悲秋何時却理歸鞍去
消盡天涯萬斛愁

與荔園浩持飲全秋濤話雨山房卽席得秋字

主人高雅古名流
日掃幽軒待客遊
藤蔓陰疎能受月
竹林風細最宜秋
江南嘉饌登鱸膾
研北新詩伴酒籌
聯句羞予無健筆
羣公應笑醉鄉侯

秋夜懺園小集與石癯荔園浩持各賦一景分得
心遠堂後土山五古一首眼山字

非山忽突兀積土成孱顏
綠野當其南掩映苔蘚斑
怪石列左右巉巖難躋攀
上有百年樹陰森籠翠鬟
倦飛高鳥集繞徑白雲環
地偏心逾遠幽境超塵寰
我來登絕頂城市一覽間
主客拚一醉良夜幾人閒
刻燭索新詠自愧得句慳
山色晚益佳徘徊不忍還
何必隨赤松長此訂余頑

過一畝園書懷

夙志愛岩壑願向深山居六旬塵外遊樂意闕禽魚自
別烟霞境鬱鬱歸吾廬遂令清夜夢迢遞追樵漁茲晨
喜重往良友同巾車出城風景別夾路槐陰疎夕陽映
山色空翠描難如行行至湖上人靜柴門虛落葉沒履
跡宿莽生前除俯仰增感慨流連念厥初伊昔當夏五
薰風來紆徐欣登天祿閣盥手讐奇書朝朝事染翰同
列皆簪裾退食出左掖歸路綠渠曄曄暮蟬聲最宜
新雨餘湖邊或散步待月看芙蓉境靜物無擾心遠情
自舒同儕約觴詠滿飲爽浮蛆狂歌與醉墨能使幽懷
摠擬將塵土髣常傍仙人間一朝酒徒散佳景留郊墟
憶舊但極目渺渺空愁予因念榮枯意蝶夢同蘧蘧古
人貴行樂名論真璫璫奈何俗事攪回首徒歛歛幾時
謀二頃來此學荷鋤日偕素心友酌酒剪野蔬茲事恐
未遂茲願終難祛惄然理歸轡欲去還躊躇蕭蕭古原
上秋風吹白驢

遊萬壽寺觀假山

暇日訪名利詰屈穿深山步隨疎磬遠心共飛雲閒峯
迴寺門殿清寂殊人寰廣庭逾幽官佛屋青苔環浮圖

連雲書屋存稿 卷二

四

連雲書屋存稿 卷二

五

花一微笑喜我緣非怪

胡果泉過我小飲以詩見贈次韻奉答

天涯知己別經秋此夕開尊幸少留人世幾回花在眼
春光一去雪盈頭庾家清興三更月陶令新詩百尺樓
爲問忽忽車馬客賞音難得是名流

九日同荔園浩持赴 圓明園歸至懺園登土山

分賦得七古一首限登字

霜林慘淡烟光凝涼颼颼新寒增重陽有酒不得飲
又驅羸馬循秋塍遠山如畫翠撲面幾人把臂欣同登

西郊往返日已夕翩翩雅興猶堪乘
園花木最幽勝
常時屐齒來頻仍主人愛客約歸騎
同遊况復偕良朋
輞川不嫌近城市有亭可憩欄可憑
土山突兀峙堂後
培塿高處成岡陵山巔一望見暮色
夕陽樓閣開層層
陶公逸致自古少參軍談笑非吾能
持螯舉白且同醉
既卜其晝還篝燈依稀香味吐新菊
徘徊澹月飾枯藤
忍寒對影復搜句胸襟清寂如山僧
漏殘人靜始言別
到家未免妻孥憎

立春後一日雪荔園浩持潤亭集寓齋小酌分賦

得七古一首限立字

滕王蛟蝶交飛急四散因風遍城邑
明宵北斗柄欲回
昨日東郊春已立詩人踏雪興偏豪
忍凍追尋荷蓬笠
茅檐此際溢光輝清絕天花映佳什
諸君逸思入風雲
健筆縱橫神鬼泣嗟予疎陋等已人
欲和陽春安可及
拚將濁酒餞殘冬傾盃共學長鯨吸
年來酒債長安滿
何用囊空起羞澁况逢時玉灑蕭辰
風光最稱良朋集
莫愁此身在異鄉相逢且盡金壺汁
小庭積素晚愈深
彷彿瓊瑤沒階級挑燈留客伴黃昏
梅花索句寒香溼

園小集與浩持石壠荔園分賦得楸上古藤限
藤字

楸樹枝柯古蜿蜒附老藤纏綿無俗態
依稀似良朋月
繪陰千疊雲添畫幾層盤桓消溽暑
塵慮坐來澄

范雲岩見招同王荔園閻浩持何周溪徐春曉遊
尚園卽次雲岩韻

壺中別有小蓬萊暇日招邀共舉杯
盛地初逢雙眼豁
詩翁相伴幾回來蒼苔白石迎人靜
野竹新梧稱意栽
最喜天光能助興微雲如絮送輕雷

近軒花柳更婆娑對景開懷捲白波
此日登臨追庾謝
座中賓客有陰何龍津喜見干將合
燕市應聽慷慨歌
時周溪以服闋初返都門勝境良朋難作別歸來斜月轉庭柯
夜中微雨既過比曉猶陰

人靜蛩吟冷齋空秋氣深不眠聽小雨
幾處送商音客
館侵孤枕高城雜夜砧溼雲戀寒碧
傍曉尙微陰

重遊清梵寺疊去年壁間詩韻

蕭寺依然傍翠微行來猶記舊禪扉
香臺語靜僧相識
古院花殘鳥共飛草映風檐綬帶松
遮雨徑卧苔衣

最憐壁上題詩在幾度披吟未忍歸

驚秋

一葉梧桐一片秋忽忽節序水東流青春過眼真如夢
白髮無情欲上頭性僻只應田舍老才疏終缺稻粱謀
飛鴻似識淒涼意也對西風話旅愁

暮冬送浩持同年任南河司馬七律四首

春明攜手醉瓊筵粉署同曹豈偶然浩持與予卯辰兩
次同年又同任西

曹漢上題襟無隔日曲江聯轡幾經年忽聞水國徵良

吏轉使蘭交別遠天家學淵源知素裕豈容賈讓獨誇

連書書屋存稿 卷一

八

賢尊甫恭定公任部曹時奉
命至南河督修高家堰

北風颯颯動寒林日暮城南集素心客裏送君難作別

座中把酒各霑襟離情可奈聽班馬愁緒何堪付爨琴

好友臨歧多眷戀疎燈斜月夜沉沉

銷寒方喜聚良朋歲晚倉皇却送行日下交遊初冷落

江干霜雪正淒清看雲應動鄉關思望月還憐故舊情

珍重離羣遊宦客天涯莫聽鷓鴣聲

聖朝雨露正滂沱惜別休教感慨多千里壯遊酬志願

百年努力可蹉跎安瀾久見支祁鎖底績欣無瓠子歌

良法師資今宛在勉旃此去慎風波

次秋僊對月述懷韻

小雨初過淨暑氛半輪秋月湧晴雲初臨曲檻移花影
又浸疎簾漾綺紋澹泊久拚心似水利名何事熱如焚
西曹逐隊今多載面目依然舊采芹

歷歷垂簷星斗文一樓花氣勝爐薰悲憂排遣惟朋侶
歲月消磨仗典墳清淨偶參黃老法近日同僚朱滄淵
喜談道家修養法

遊尚園次王荔園韻

連書書屋存稿 卷一

九

清曠名園日下傳平南世胄舊稱賢尚藩於國初封
平南王清曠其園

也山林好是臨城市花石都會閱歲年結伴當秋方縱

目主人愛客更開筵坐來恰值蕭疎雨綠老紅深分外

妍

赴香山

霜林葉落北風涼一帶巉巖石徑長樹杪寒雲縈佛塔

山坳飛瀑擁仙莊熊羆盡逞雷霆勢甲冑羣依日月

光是日健銳營
弁兵備採演

天子豫遊來細柳高秋草色正蒼茫

重陽後一日同秋僊集荔園寓齋次韻

白眼憐交少青雲笑路遲相逢須縱酒得暇且談詩晚
桂凌霜後賓鴻倦翼時昨宵空未醉辜負菊花期

此夜良朋集蕭齋論正高月明光似霞風勢利於刀斲
脫塵寰苦難忘案牘勞來朝還待漏逸興未全豪

次日復以
公事早
詣香山

殘菊四首次韻

極目秋容正渺茫零星殘菊尙餘黃凌寒不改蕭疎骨
耐久偏宜浚泊腸憔悴幽蘭堪結伴凋傷弱柳不成行

可憐形影全消瘦昨夜東籬又早霜

曾向柴桑得賞音寒松荒徑共蕭森落英慘淡還盈把
佳色離披尙可簪韻冷三秋風瑟瑟香銷九日雨泔泔

幽芳到老終當惜莫遣蹉跎晚節心

寒蜂冷蝶漫相撩幾日西風作意驕老圃生涯寧論晚

小山隱逸欲重招餘芬好送闌珊酒瘦影慵隨翡翠翹

蒼問長生求上藥壺天春色未寥寥

幾回色相悟前因洗盡鉛華無故新開放不曾延俗客

凋殘猶欲伴吟身白衣去後詩千首青女來時月一輪

收拾餘香歸物化餐英囊枕任頻頻

秋杪同荔園秋僊自 圓明園回城便道遊萬壽

正覺一名五塔極樂諸寺

騎馬深秋官務閒同來尋勝叩禪關門臨一帶桃源水

寺疊千層靈鷲山松竹猶然超俗界佛天那復似人間

萬年爲祝吾

皇壽肇錫嘉名永不刪

五塔層層聳日邊森然屹立勢朝天登臨迴出空王界

創建猶題前代年明成化年建 古木陰森同寶蓋番僧清挺

儼癯仙寺內喇嘛住守之浮生久逐緇塵裏何日雲端結淨緣

探幽兩度訪僧家勝侶招攜又看花聞道此間稱極樂

坐來相賞興尤賒梵宮曲榭宜清話老圃秋容對試茶

數里紅塵歸路近歡遊已忘夕陽斜

答秋仙病中見寄韻

抱恙憐君瘦多愁困我深蕭條經幾載依倚到如今纔

悟貧非病從知佛卽心起疴慙七發願學狄公針

仲冬與荔園過石癯寓齋小酌有懷浩持各賦七

古一篇得河字

天將酒友償詩魔燕市對酌時高歌六年相知世態少
一日不見離腸多邇來踪跡各南北更教塵鞅羈吟哦
文章事業兩莫就長安歲月空蹉跎此日嚴冬出西郭
歸來聯轡遙相過石墮投轄愛留客典衣沽酒杯盤羅
家無四壁慣作樂雅興不爲貧消磨荔園襟懷信洒落
愛予迂拙聯絲蘿風晨雨夕總聚會有酒不覺清顏酡
座中忽憶少一人浩持閭子同登科春明數載共握手
終日詩句相觀摩高談雄辯動四座司空遺範真無訛
去年雲署薦出牧旋擢司馬治南河同人爭餞設供帳

連雲書屋存稿 卷一

三

驪歌三唱隨青羸自從一別勞夢想江南宦况知如何
今夏維揚來一介聞君氣體方調和我將雙魚付童子
一紙曾否通清波人生聚散若萍梗駒隙鴻雪一刹那
功名富貴總幻化往事應問春夢婆相逢得意且盡興
對酒莫負鸚鵡螺醉來同作相思曲淚滴還將凍筆呵
荔園過寓小飲出和魏春松寒夜咏瓶菊詩屬余

次韻因成二律

良朋過訪碧山陰笑把黃花對客吟秋老何妨詩思瘦
夜寒不覺酒杯深霜枝久愜芝蘭賞畫省新聞正始音

幸附雲樓相唱和寂寥差慰故園心

膽瓶霜菊幾枝斜賦罷秋容浣筆花晚節與君同品格
淡交如爾總清華月明感舊人千里竹葉消愁天一涯
謂浩持在京時事也畫短歡遊難盡興嚴宵只合醉爲家

同張石墮魏漁汀王荔園遊崇效寺看花

卅六年華夢裏身朱顏半已老風塵看花嬾放傷春眼
載酒愁逢得意人偶憩禪關談爭果恰從覺路悟迷津
相期借榻經旬駐同了餘生物外因

漁父次秋仙韻二首

連雲書屋存稿 卷一

三

浮生浪跡在天涯爲避塵囂遠世譁獨把綸竿娛歲月
每從江海卧烟霞鷺鷥浴雨羣相狎蓑笠迎風一任斜
乘化悠然忘得失水雲無際泛輕槎
扁舟日日傍雲開嘯傲中流更幾回垂釣或乘風浪去
歸帆還載月明來蒹洲沙嶼多清境蘆笛飽尊絕點埃
樵客忘機應作伴相逢一笑醉蒿萊

又疊韻二首

極目澄波豈有涯一竿垂餌靜無譁烟籠孤棹含秋水
風定輕帆挂晚霞數盞醇醪天地濶幾聲漁唱海山斜

蘆花白處藏身穩醉卧滄洲繫釣艖

濯足滄浪一櫂開綠蓑碧簪任遲回春潮遠浦浮槎去
落日寒江罷釣來明月清風常在抱輕烟細雨總無埃
問津何必桃源路范蠡湖邊未草萊

送同年張石癯罷歸西湖

一官羈京華輕身棄田畝與子訂知心晨夕時聚首賞
奇而析疑論文還酌酒相處日以歡相交日以厚屈指
七年餘真作忘形友君家淞水東我居遼海右水陸路
幾千把臂良非偶詎謂轉瞬間南北忽分手世事若浮

連雲書屋存稿卷一

古

雲白衣復蒼狗營營蝸角名總歸無何有君去西湖邊
結屋倚巖藪林泉助清吟烟波滌塵垢秋霜掇晚菊春
雨翦早韭逍遙靈竺間斯樂真不朽適性養天年遠勝
綰組綬回首嘆故人空逐風塵走此日與君別此後相
思久出郭遠送行怕折長亭柳驪駒歌未已獵獵林風
吼兩地萍梗身後會可期否

寄荅荔園見示灤陽近狀

勝地堪消暑郎官得壯遊山河饒氣象草木總清幽逸
興傳詩句閒情寄射侯

荔園在灤日以吟詩習射作消遣

歸來明月夜

爲我話深秋

秋咏五首次許薇垣韻

秋雁

年來物候遞侵尋又逐歸鴻一溼襟飲啄雖償謀食願
飛鳴總抱漸遠心欲詢往事難留影久別家山好寄音
最是清秋明月夜數聲嘹唳問寒砧

秋蟬

孤桐葉落客心驚况聽秋蟬斷續聲偶對金飈憐調急
知餐玉露得神清幽齋幾傍琴書韻深巷還隨砧杵鳴

連雲書屋存稿卷一

五

劉勝當年甘寂寞寒涼起處若爲情

秋蛩

壁間牀下正啾啾長夜何曾聽少休久客幾回添別淚
深閨爲爾寫新愁哀鳴豈有難平者督織還能稱意不
刀尺寒衣驚歲晚可堪蕭索動深秋

秋柳

疎枝憔悴晚烟濃曾占春光曉露叢搖落頻經攀折後
蕭條可耐別離中當年人去千家雨此日秋深一笛風
陶令門前知在否青青空悵故園豐

秋草

飄零寸草欲銷魂，往日萋萋難共論。
春夢不堪留燕子，秋風誰復憶王孫。
詩成寧有池塘句，時過空悲霜露繁。
寂寞芸窗猶愛惜，憑看綠意伴朝昏。

疊荔園見示韻

南郭爲隣並城中，又近婚姻欣具邇。
談笑樂何如，問借三蕉撥愁因。
五字攄愛君幽興，遠到處卽吾廬。
探奇勤問字，喜接子雲居。
學博君長擅才高，我不如挑燈一夜話。
琢句兩情攄，相約卅年後。
湖山共結廬。

連雲書屋存稿卷一

六

寒暑差堪蔽，何妨陋室居。
芝蘭論夙契，膠漆有誰如。
老驥心常在，孤鴻志未攄。
祇應風雨夕，與爾醉茅廬。

春日次荔園韻

駒隙易蹉跎，相逢醉且歌。
韶光一彈指，人事幾流波。
愧我詩情少，憐君雅興多。
殘春將小別，旦暮幸來過。

陽校書

暮春廿八日赴灤校書晚宿東直門

傍晚辭官舍，及暝宿城東。
胡爲此汲汲，王事在予躬。
灤陽藏秘笈，羣儒久研窮。
只緣鈔胥誤，魚魯多混同。
讐校

恐未詳丹鉛，資人功。嗟予幼未學，疎陋慚博通。
兩登天祿閣，丁未年曾校書文源閣追蹤向與雄。
自懼任不勝，自歎力

難充。循省增惶恐，往復幾撫衷。
暫閒息茅店，簾薄穿春風。
殘燈半明滅，一榻依蒙茸。
繞城柝聲急，雞鳴夢寐中。
征夫懷前路，披衣喚僕僮。
膏車秣吾馬，出郭行忽忽。
何時賦歸來，匝月應畢工。

連雲書屋存稿卷一

七

連雲書屋存稿卷二

蓋州 焦和生 琴齋

奉 命典試蜀中寄答都門送別諸君子

匆匆出郭門軒車就長道此行入蜀中

聖恩感浩浩親友羣送行贈言寫懷抱或謂山水佳壯
遊風日好或曰人文奇桃李成陰早努力勉前行冥心
恣探討嗟予聆斯語惄然心如擣回首憶生平學問比
行潦偶爾弋科名文字實草草九年走風塵荒落復顛
倒一旦與司衡那能精鑒藻但竭區區誠公慎以爲寶

連雲書屋存稿卷二

庶幾靜生明瑕瑜分白早何敢誇勝遊登涉博參考况
無錦囊詩可存牀頭橐縱遊浣花溪羞對杜陵老今茲
揮手別槐花落未埽去時炎暑深歸來霜雪皓離合彈
指間惟願各相保

補和保定館壁題雙松圖韻

拂雲雙幹鬱盤盤無數龍鱗走筆端我欲題詩酬好句
驚濤驟雨逼人寒

由清苑至望都卽景四首

南六月熱如焚幾處田家盡望雲正想傾盆三日雨

滋苗萬頃滌炎氛

西來恰見密雲團界破斜陽急駐輦頃刻淋漓衣履溼
好風特爲送微寒

荒城憩馬已深更雨後浮涼分外清最是賞心初霽月
無邊皎潔向人明

堯母陵前樹色深

望都卽古慶都堯母廟在焉廟後有陵是日館於廟西廊

蒲庭月

色轉涼陰澄懷對此真忘寐風露三更不覺侵

正定登隆興寺藏經樓一名大佛寺

層樓百尺拓疎櫺縱目遙看豁性靈不道偷閑來佛國

連雲書屋存稿卷二

真如飛夢入天庭滹沱東去三分濁恒嶽西來萬點青

回望故鄉烟樹隔暮雲無際雨冥冥

井陘道中用荔園灤陽閒眺詩韻

石棧崎嶇磴幾盤林巒深處陣雲團太行羅列圍重障
綿蔓滌洞結淩湍險路關心翻得穩曉風作意不勝寒
淮陰勝蹟今何在爲弔英雄一據鞍

自鳳嶺入新紅峽

鳳山環抱欲倒影築城山中如築井羊腸一綫繞巉巖
萬疊千層登峻嶺憑高勢欲接雲天四面峯巒一挈領

聞說周家集聖瑞鳳鳥飛來鳴此境南行數里入新紅
峽口兩山更奇警宛如雙劍插碧霄峽裡林泉聚幽景
葱蘢綠樹繞一亭汪洋清澗流千頃山花開落少行人
彷彿桃源與箕頰我今赴蜀咏皇華至此頓覺塵懷屏
停驂欲訪張仙翁白雲渺渺動深省鳳縣有唐張果樓隱古蹟

留壩道中卽目

山居秦俗古繪畫恐難工犬吠雲林外人歸板屋中飛
泉橫鳥道秋雨入蠶叢今夕棲留壩閒聽落葉風

馬鞍嶺

馬鞍留壩驛所轄凡二十四嶺皆如鞍形上下各數里北近紫柏南連馬道烏龍江

連雲書屋存稿卷三

三

流其下地
其偏險

杖策陟馬鞍曉霽秋林爽連棧去盤雲捫蘿快孤往高
處險若梯坦處平如掌列巖廿四重一一供清賞紫柏
接峯巒紫柏山名青羊流泐青羊河名亦名烏龍江老松茁虬龍怪
石卧獅象曠覽烟霞姿飽聽山水響頓忘行役勞不覺
襟懷做俯察更仰觀天機同浩蕩四句走風塵安得此
幽壤赤松何可尋悠然勞夢想

褒城道中

數日褒谷中一旦觀平壤沃野彌望開心目爲開健

樹接村烟碧流動清響夕陽傍雉堞禾稼亦疎朗清風
吹客面颯颯漸森爽嗟予行路難四句負羈鞅盛暑辭
都門蕭然獨過徃倏忽節物更秋深動注想自非金石
堅能勿嘆勞攘聊借褒城酒使我胸襟廣

穿五丁峽

清風生曉涼行客捐白羽出門見秋山蒼翠含宿雨行
入峽中奇勢闢觀縷雙壁欲插天懸崖負萬弩洞危
穴蛟龍石怪蹲鸞虎石苔帶斑斕石痕留鑿斧聞是五
丁開蒼然踪跡古神力想當年餘勇真可賈謫哉嬴秦

連雲書屋存稿卷三

四

君愚矣巴蜀主蠶叢負劍山天險固門戶一旦貪金牛
關道失疆土我來入西川峽雲正吞吐夾岸樹陰森不
辨辰與午峽底流清泉泠然快聽觀對此山水佳殊忘
風塵苦忽聞雞犬聲數家結衡宇山花落繽紛恍入桃
源浦峯回路欲迷駐馬問漁父

龍洞背

怪石突兀山蒼茫山路詰屈連天長下臨大壑深不測
江水噴薄流泐峯回路轉見巨洞窈窕幽黑神龍藏
上有石峯最奇絕龍頭舉向青天昂蜿蜒石棧橫脊背